

年谱 大事记 挺经 冰鉴

曾国藩全集



愚予近人，独服曾文正

——毛泽东

京华出版社

温
林
编

曾
国
藩
全
集

京
华
出
版
社

图书在版编目(CIP)数据

曾国藩全集/温林编,一北京:京华出版社,2001

ISBN 7-80600-616-8

I. 曾... II. 温... III. 曾国藩(1811~1872)—全集 IV. Z425.2

中国版本图书馆 CIP 数据核字(2001)第 059929 号

曾国藩全集

编 者 ☐ 温林

出版发行 ☐ 京华出版社(北京市安华西里 1 区 13 楼 100011)
(010)64258473 64255036 64243832

经 销 ☐ 全国新华书店

印 刷 ☐ 北京泽明印刷有限责任公司

开 本 ☐ 850×1168 1/32

字 数 ☐ 3500 千字

印 张 ☐ 200 印张

印 数 ☐ 0001-2000

出版日期 ☐ 2001 年 9 月

书 号 ☐ ISBN 7-80600-616-8/G·372

定 价 ☐ 1280.00 元(全套 16 册)

京华版图书,若有质量问题,请与本社联系

曾國藩全集

大事記
冰鑑

年譜
挺經

曾国藩全集

年
谱

目 录

年 谱

卷 一	(1)
嘉庆十六年公生至咸丰二年公四十二岁	(1)
卷 二	(21)
癸丑, 咸丰三年, 公四十三岁	(21)
卷 三	(31)
甲寅, 咸丰四年, 公四十四岁	(31)
卷 四	(49)
乙卯, 咸丰五年, 公四十五岁	(49)
丙辰, 咸丰六年, 公四十六岁	(60)
卷 五	(73)
丁巳, 咸丰七年, 公四十七岁	(73)
戊午, 咸丰八年, 公四十八岁	(78)
卷 六	(87)
己未, 咸丰九年, 公四十九岁	(87)
庚申, 咸丰十年, 公五十岁	(94)
卷 七	(109)
辛酉, 咸丰十一年, 公五十一岁	(109)
卷 八	(121)
壬戌, 同治元年, 公五十二岁	(121)
卷 九	(141)
癸亥, 同治二年, 公五十三岁	(141)
甲子, 同治三年, 公五十四岁	(152)
卷 十	(170)
乙丑, 同治四年, 公五十五岁	(170)

卷十一	(184)
丙寅，同治五年，公五十六岁	(184)
丁卯，同治六年，公五十七岁	(193)
戊辰，同治七年，公五十八岁	(198)
己巳，同治八年，公五十九岁	(203)
卷十二	(207)
庚申，同治九年，公六十岁	(207)
辛未，同治十年，公六十一岁	(218)
壬申，同治十一年，公六十二岁	(221)

卷 一

嘉庆十六年公生至咸丰二年公四十二岁

公讳国藩，字伯涵，号涤生，湖南湘乡人。曾氏祖籍衡阳。国初有孟学公者，始迁湘乡荷塘都之大界里。再传至元吉公，族姓渐多，资产渐殖，遂为湘乡人。元吉公之仲子曰辅臣公者，公之高祖也。曾祖讳竟希，诰赠光禄大夫，妣彭氏，诰赠一品夫人。祖读玉屏字星冈，诰封中宪大夫，累赠光禄大夫。妣王氏，诰封恭人，累赠一品夫人。考讳麟书，字竹亭，湘乡县学生员，诰封中宪大夫，累封光禄大夫。妣江氏，诰封恭人，累封一品夫人。仲父讳鼎，尊早卒。叔父讳骥云，字高轩，以公官廕封光禄大夫。星冈公以嘉庆戊辰年迁居白杨坪。公兄弟五人，女兄弟四人，公则竹亭公之长子也。

辛未，嘉庆十六年，公生。

公生十月十一日亥时。时竟希公在堂，寿几七十矣。是夜梦有巨蟒盘旋空中，旋绕于宅之左右，已而入室庭，蹲踞良久。公惊而寤，闻曾孙生，适如梦时，大喜曰：“是家之祥曾氏门间行将大矣！”宅后旧有古树为藤所缠，树已槁而藤日益大，且茂矫若虬龙，枝叶苍翠，垂荫一亩，亦世所罕见者。

壬申，嘉庆十七年，公二岁。

竟希公孝友敦笃，为乡里所敬。年七十见曾孙，极欣爱之。

癸酉，嘉庆十八年，公三岁。

公幼小时状貌端重，自初生至三岁，庭户不闻号泣声。母江太夫人勤操作，不恒顾复。每日依祖母王太夫人纺车之侧，花开鸟语，注耳流眄，状若有所会晤。王太夫人尤奇之。

甲戌，嘉庆十九年，公四岁。

六月妹国蕙生。

乙亥，嘉庆二十年，公五岁。

冬十月，受学于庭，诵读颖悟，竟希公益钟爱之。

丙子，嘉庆二十一年，公六岁。

公在家塾，以陈雁门先生为公问字师。十月竟希公薨，寿七十有四。葬西垆山，公哭泣甚哀，执丧若成人。

丁丑，嘉庆二十二年，公七岁。

竹亭公粹然儒者，屡应童子试未售，积学不怠。名其塾曰利见齐，课徒十余人，训诱专勤。公稟学于庭训者，凡八年。

戊寅，嘉庆二十三年，公八岁。

八月妹国芝生。

己卯，嘉庆二十四年，公九岁。

是年读《五经》毕，始为时文帖括之学。

庚辰，嘉庆二十五年，公十岁。

五月，公弟国潢生，竹亭公笑谓曰：“汝今有弟矣！”命作时文一道题曰：“兄弟怡怡。”公文成，竹亭公喜甚！曰：“文中有至性语，必

能以孝友承其家矣。”

辛巳，道光元年，公十一岁。

壬午，道光二年，公十二岁。

五月公弟国华生。

癸未，道光三年，公十三岁。

甲申，道光四年，公十四岁。

衡阳廩生欧阳沧溟先生凝祉，与竹亭公友善，常来家塾。见公所试艺，亟赏之。竹亭公请试以题，先生以“共登青云梯”命为试律。诗成，先生览而称善，曰：“是固金华殿中人语也！”因以女许字焉。是岁，始从竹亭公至长沙省城，应童子试。八月公弟国荃生。

乙酉，道光五年，公十五岁。

竹亭公设馆同族家塾，曰锡麒齐，公从受读，《周礼·仪礼》成诵，兼及《史记》、《文选》。

丙戌，道光六年，公十六岁。

应长沙府试，取前列第七名。

丁亥，道光七年，公十七岁。

戊子，道光八年，公十八岁。

九月公弟国葆生。

己丑，道光九年，公十九岁。

竹亭公设馆石鱼之百鲁庵，公从。

庚寅，道光十年，公二十岁。

九月公季妹生。肄业于衡阳唐氏家塾，从事汪觉庵先生。公姊国兰出阁，适王氏，婿名鹏远。

公道衡阳还家塾，冬月肄业本邑涟滨书院，山长刘元堂先生，名象履。见公诗文，叹赏不置，以为大器。

壬辰，道光十二年，公二十二岁。

竹亭公以府试案首入湘乡县学。公从应试，备取，以侑生注册。试罢，还居家塾利见齐。

癸巳，道光十三年，公二十三岁。

本年科试入县学，时公名子城提督学政为岳！公镇南，竹亭公年四十有三，应童试十七次，始补生员。积苦力学，授徒家塾者，二十年。至是深喜公之继起，而早获售也。十二月欧阳夫人来归。

甲午，道光十四年，公二十四岁。

肄业岳麓书院，山长为欧阳坦齐先生。公以能诗文，名噪甚，试辄第一。是科领乡荐，中式第三十六名举人，（本科乡试，四书首题：“疑思问，忿思难，见得思义。”次题：“武王纘太王，王季，文王之绪。”三题：“智譬则巧也，圣譬则力也，出射于百步之外也。”诗题：“赋得剪得秋光入卷来。”）座主为徐公云瑞，许公乃安，房考官为张公启庚。十一月入都，是岁始见刘公蓉于朱氏学舍。与语大悦，因为留信宿乃别。

乙未，道光十五年，公二十五岁。

公寓长沙郡馆，会试不售，留京师读书，研究经史尤好昌黎、韩氏之文，慨然思蹶而从之。治古文词自此始。

丙申，道光十六年，公二十六岁。

会试再报罢，出都为江南之游。同邑易公作梅官睢宁知县，因过访之。由清江，扬州，金陵，泝江而归。公久寓京师，窘甚！从易公贷百金，过金陵，尽以购书，不足则质衣裘以益之。比归里，陈所购廿三史。竹亭公问所自来，且喜且诫之，曰：“尔借钱买书，吾不惜为汝弥缝。但能悉心读之，斯不负耳！”公闻而悚息！由是侵晨起读，中夜而休。泛览百家，足不出庭户者几一年。

丁酉，道光十七年，公二十七岁。

公闻浏阳，文庙，用古乐，诣浏阳县，与其邑举人贺以南等谘考声音乐吕之源流，留两月乃归。过长沙，适刘公蓉与湘阴郭公嵩焘均在省城应试，相见欢甚！纵谈今古，昕夕无间。留月馀，始各别去。

公妹国蕙出阁，适王氏，婿名待聘。

十月，公生子命名桢第。十二月，公入都会试无以为资，称贷于族戚家。携钱三十二缗以行。抵都中，馀三缗耳。时公车寒苦者，无以逾公矣。

戊戌，道光十八年，公二十八岁。

正月入都门，寓内城西，登墀堂，本科会试。钦派大总裁大学士穆彰阿公及朱公士彦，吴公文镕，廖公鸿荃。（钦命四书首题：“言必信，行必果。”次题：“万物并育而不相害，道并行而不相悖。”三题：“颂其诗，读其书，不知其人可乎？是以论其世也，是尚友也。”诗题：“赋得泉细寒声生夜壑。”）公中式第三十八名进士，房考官季公芝昌。同乡中式者五人，宁乡梅公锺钟澎，茶陵陈公源衮，尤公至好。

四月，正大光明殿覆试一等，殿试三甲第四十二名，赐同进士出身。朝考一等第三名，进呈宣宗拔置第二名。

五月初二日引见，改翰林院庶吉士。公少时器宇卓犖，不随流

俗。既入词垣，进毅然有效法前贤，澄清天下之志。读书自为课程，编摩记注，分为五门，曰茶馀偶谈、曰过隙影、曰馈贫粮、曰诗文抄、曰诗文章时有论述，不以示人。读书务内自慰，亦性然也。中式后更名国藩。

八月，请假出都，与凌公玉垣，郭公嵩焘，偕行。道出襄樊。舟次安陆，遇大风，邻舟数十鲜有完者，公舟独无恙。

十二月抵家。

曾氏自占籍衡阳以来，无以科名显者。星冈公始督课子姓，受学宾，礼文士。公遂以是年成进士，入翰林。星冈公年六十健在。后公官至学士，堂上犹重庆。至侍郎，星冈公犹及见之。京朝官无及其盛者。公之以翰林归也，亲友踵门而贺。竹亭公治酒款客。比酒罢，星冈公语竹亭公曰：“吾家以农为业，虽富贵，毋失其旧。彼为翰林，事业方长。吾家中食用无使关问，以累其心。”自是以后，公官京师十馀年，未尝知有家累也。

己亥，道光十九年，公二十九岁。

正月，乡里天行痘证大作，公季妹及子桢第皆染痘殇。季妹年十岁，桢第生甫十五月也。四月，公至衡阳，五月至来阳县，谒杜工部祠堂，遂至永兴。有曾纪诗者，执贽愿从事。公为书，勸之以学。

六月，还至耒阳，舟行出昭阳河，至清泉县之泉溪市。还寓石鼓书院，数日乃抵家。议修谱牒，清查源流。

八月，公由邵阳至武冈州，还至新化，及安化县之蓝田市。

十月，抵家。

公妹国芝出阁，适朱氏，婿名咏春。

公弟国华，出继叔父高轩公为后。

十一月初二日，子纪泽生。是日启行北上。竹亭公，高轩公，送之长沙。

十二月，由汉口行次罗山县，遇大雪，遂留度岁。是岁，始为日记，逐日记注所行之事，及所读之书，名曰过隙影，公会式座师朱文

定公士彦卒于位。

庚子，道光二十年，公三十岁。

正月，由罗山启行至周家口，换车入都，寓宣武门外南横街，千佛庵，与同年陈公源袞，梅公踵澍，联课为诗赋。

四月，移寓淀园，挂甲屯。十七日散馆。（钦命题“正大光明殿赋。”“以‘执两用中怀永图’为韵。”诗题：“赋得人情以为田。”）取列二等第十九名。引见授职检讨。是科散馆，改部属者二人，改知县者三人，余皆留馆。

六月，移寓果子巷，万顾客店。病热危剧，几不救。同寓湘潭，欧阳小岑先生兆熊，经理护持，六安，吴公廷栋，为之诊治。八月初病渐减，始能食粥。九月，乃大愈。钦派顺天乡试磨勘官。

十月移寓达子营之关侯朝，与同年编修钱振伦同寓。

十二月，移寓棉花六条胡同路北。

竹亭公入都，公夫人欧阳氏，公弟国荃，子纪泽，从入都。

辛丑，道光二十一年，公三十一岁。

正月元日，入大内随班朝贺。嗣是岁以为常。

初十日，偕同乡京官至淀园，递折谢恩。为湖南，岳，常，沔各处被水缓徵，借给籽种。

去岁大西洋，英吉利国兵陷定海。宣宗命大学士琦善往广东查办。是月报英吉利攻破沙角炮台，直逼虎门。上通谕中外，授奕山为靖逆将军，隆文，杨芳为参赞大臣。琦善革职！

闰三月竹亭公出都还湘。

五月梅公踵澍在都病故；公为经理其丧，委曲周至。

六月，管理长沙府会馆事。

益阳，胡公达源卒！公作谏词挽之。

七月，皇上御门侍班。

善化，唐公鉴由江宁藩司入官太常寺卿，公从讲求为学之方。时方详览前史，求经世之学，兼治诗古文词，分门记录。唐公专以

义理之学相助，公遂以朱子之书，为日课，始肆力于宋学矣。

八月，移寓绳匠胡同北头路东。

十月，充国史馆协修官。

廿八日偕同乡京官递折谢恩，为岳州水灾蠲免钱粮。

公寓书善化，贺公长岭，自陈其所学所志。

十一月十五日，公长女生，后适湘潭，袁氏，婿名秉桢。

公弟国荃肄业京寓，公为之讲课。

壬寅，道光二十二年，公三十二岁。

公益致力程朱之学，同时蒙古，倭仁公，六安，吴公廷栋，昆明，何公桂珍，宝公塋仁和，邵公懿辰，及陈公源袞等，往复讨论，以实学相砥厉。其为日记力求改过，多痛自刻责之言。每日必有记录。是为日课。每月另作诗古文若干篇，是为月课。凡课程十有二条：一曰主敬；二曰静坐；三曰早起；四曰读书不二；五曰读史；六曰谨言；七曰养气；八曰保身；九曰日知所亡；十曰月无忘所能；十一曰作字；十二曰夜不出门。

是春，英吉利洋船驶入镇江，沿江诸城多不守。和议成后，乃退出口。

七月，公弟国荃出都，公送之都门外芦沟桥，以诗为别。有句云：“辰君平正午君奇，屈指老沅真白眉。”公弟国潢，生庚辰岁，国华，生壬午岁；国荃字沅甫也。

癸卯，道光二十三年，公三十三岁。

⑧

三月初十日，上御正大光明殿考试翰詹。（钦命题：“如石投水赋。”以“陈善闭邪谓之敬。”为韵。“烹阿封即墨论。”诗题：赋得半片残月有莺号。”钦定一等五人，万青黎、殷寿彭、张芾、萧良城、罗惇衍。公列二等第一名，十四日引见，奉旨以翰林院侍讲升用。

五月考试差。

六月钦命公充四川正考官，以赵楫副之。

七月，公第二女生。

公出都行至保定府，病暑不能食，扶病而行。闰七月，行至西安，李公星沅时为陕西巡抚，延之署中。治医药数日，病渐愈，即启行人蜀。

八月初四日，抵成都，接准吏部咨文，已于七月十五日补授翰林院侍讲之缺。其呈四川总督宝兴公，代奏谢恩折。（是科四川乡试首题：“不知言无以知人也。”次题：“体群臣也，子庶民也。”三题：“人有不为也，而后可以有为。”诗题：“赋得万点蜀山尖。”）揭晓，得士宋文观等六十二名，副榜十二名如例。

九月廿一日，由成都回节。

十一月廿日，抵都门覆命，充文渊阁校理。公居京师四年矣，宦况清苦，力行节俭。而遇穷困，及有疾病死亡者，资助必丰。四川差竣，得俸千金，寄家为馈遗族姻之用。

甲辰，道光二十四年，公三十四岁。

正月陈公源袞之妻易安人，病卒于京寓，其子远济，生甫一月，公携之宅中，雇乳姬字养之，以次女许字之。

二月，侍班于文渊阁，赞经筵大典。

三月廿四日移寓前门内，碾儿胡同，西头路北。四月，考试差。

五月初十日，奉上谕：翰林院自侍读以下，詹事府自洗马以下，每日召见二员。公于廿日，召见勤政殿，派充翰林院教习庶吉士。

八月，新宁，江公忠源，以公车留京师，因郭公嵩焘求见公。江公素以任侠自喜，不事绳检。公与语市井琐屑事，酣笑移时。江公出，公目送之，回顾嵩焘曰：“京师求如此人才不可得！”既而曰：“是人必立功名于天下，然当以节义死。”时承平日久，闻者或骇之江公自是遂师事公。廿八日，公第三女生。后适罗氏，忠节公，泽南之子名兆升。

九月分校庶常馆。

十二月初七日，上御门，转补翰林院侍读。

公作字初学颜，柳帖，在词垣，兼临褚帖。于诗，则五七古学杜，韩近体事学杜，而于苏、黄之古诗，温，李之近体，亦最为致力。

还书家中，训勉兄弟以立志有恒为本，作五箴以自警！一曰立志；二曰居敬；三曰主静；四曰谨言；五曰有恒。公子纪泽是岁入家塾，塾师为长沙，冯树棠先生卓怀。

乙巳，道光二十五年，公三十五岁。

三月钦派会试同考官，签分第十八房，荐卷六十四本，中式周士炳等十有九人。

是科湖南中式八人，皆长沙府籍。贵州中式之黄辅相与侄彭年二人，原籍醴陵，而状元为萧锦忠，朝元为孙鼎臣，去秋乡试南元为周寿昌，亦于是科入翰林。公时管理长沙郡馆事，题名之日，公为联语云：同科十进士；庆榜三名元。盖佳话也。

五月初二日，上御门，公升授詹事府右春坊右庶子。次日具折谢恩，召见于勤政殿。

六月，转补左庶子。

夏间癖疾发，至秋微愈。自是以往，癖疾恒作。以至老年，未得全愈也。

九月，公弟国潢，国华入都。

廿四日上御门，升授翰林院侍讲学士。次日具折谢恩召见。

宣宗时每岁举行御门之典至四五次，京朝官缺多，以其日简放。示爵人于朝，与众共之之意。

合肥，李公鸿章，本年家子也。中甲辰科举人，是年入都会试，受业公门。公大器重之。

十月初十日，皇太后万寿，十五日颁恩诏于太和殿。公祖父母、父母，以公官皆封中宪大夫、恭人。

十一月，唐公鉴乞假回湖南，公为校刻其所著《学案小识》一书。

十二月十二日补日讲起居注官。

廿二日充文渊阁直阁事。

公名位渐显，而堂上重庆，门祚鼎盛。公每以盈满为戒，自名其书舍曰“求阙斋”。其说云：“求阙于他事而，求全于堂上也。”同